

陶氏宗約譜

宗約引

家有訓矣族之人遵而行之是肖子是爲賢孫如或狂勃不率視家訓如弁髦則移郊移遂之道不可不講也夫朝廷有律所以懲天下之犯法者宗族有約所以束家中之狂勃者雖宗約不敢擬朝廷之律而國治原實由一家之齊孟子所謂國之本在家者是也况人非甚不肖誰忍自外名教甘罹法網有宗約以束其身心或庶幾防微杜漸不致犯朝廷之法爲天下之罪人乎則宗約又何嘗不與律法相輔而行者也今約法二十四章願我族眾常相誥誡各知惕勵則爲家之肖子賢孫者卽爲國之良民豈非一族之光哉譜宗約

一、勵孝行

人只一不孝便百行俱不必言人只一不孝便五刑無出其上推其病根有因分析財產而怨父母不均者有聽信妻言而謗父母不愛者有放縱驕奢而憎父母防閑者有飲酒嫖賭而恨父母拘束者有兄弟執定輪養而致父母饑寒者有子常外出媳不盡禮而明知父母受氣者有橫言肆口反怨父母無所留遺者有父在經營毋勞井臼夫妻貪逸反說父母不是者有父母患病不請醫藥反言老疾難瘳者有父母方死爾推我誘無人料理喪事者種種不孝難以枚舉族內倘有於父母生不能奉養歿不能葬祭而犯此數條族長卽拘赴宗祠先行責罰教誡如不悛鳴上懲治其犯忤逆斬絞重罪不待教誅卽頒法處決

倘戶長房長族長不行首報狗隱縱容一體坐罪

一、全友愛

世間兄弟不之人总只為听婦人之語爭些小之財自私自利起見語云難得者兄弟易得者田地夫以兄弟之難得而或因幾句語言便傷和氣因幾許財產便起爭端又或因貧富不同性情不一以及微嫌小故各懷其私各行其志遂乃積怨深怒雖連牆隔壁爾我不相往來即同室共居厅堂從中分斷骨操戈搆訟不休其傷天理害人倫與禽獸奚擇哉族內倘遇此等之人房長戶長族長共相糾集好言開導和解令其悔悟如或負氣不下强悍不率必欲詰訟公庭而其中是非曲直族中人自然洞悉其情公同直情具稟頒法究治毋得偏袒徇縱畏避不前致令弱肉強食如族中有挑唆播弄族眾即明正其罪不使若輩肆毒貽害不小

一、供賦稅

朝廷賦稅及早完納此乃以下奉上古今之通義也若拖欠錢糧遲緩時日便是不良百姓夫國家有緩征之例官府存撫字之仁豈願追呼問罪乃遇此等頑抗之民不得不執法嚴究及至披枷鎖受刑杖身家被虧父母玷辱及准不得仍要賦稅完納是何算計故勤業之人將一年本等錢糧先行辦納明白討經手印押收票存証上不欠官糧何等自在我族眾各體急公之義邇早輸納免使追呼庶為醇良百姓如有拖欠

頑徒身受刑辱戶房族長公同責罰不許入祠助祭

一、正名分

同族之人有祖孫叔姪兄弟名分尊卑秩然母容踰越彼此稱呼自有定序而且拜揖必要恭敬言語必要謙遜出入必須徐行坐次必依先後不論近族遠族俱照名分序列而後情洽而心安方成名門故家之體近世以來或狎於昵褻或狃於阿承禮法不講而犯尊犯齒之習肆然無忌族中子弟凡遇尊長一切稱呼拜揖以及言語出入坐次不遵禮教在尊長即行斥責使知愧悔如不率候祠祭日憑族戶房長懲以千名犯義之罪至於尊庶母為嫡躋妾為妻者大乖倫常更須嚴究若毆罵尊長律有明條如同姓親屬相毆五服已盡而俾幼歐尊長加凡關一等卑幼毆總麻兄姊四代之親杖一百毆小功兄姊三代之親杖六十徒一年歐大功兄姊二代之親杖七十徒一年半毆同堂伯叔父母杖八十徒二年毆同胞兄姊杖九十徒二年半毆傷者杖一百徒三年毆至折傷者杖一百流三千里傷至折股瞎目者絞至死者斬嫡姪毆伯叔父母各加一等孫毆祖子毆父母者皆斬至死者皆凌遲處死又律載卑幼罵總麻兄姊笞五十罵小功兄姊杖六十罵大功兄姊杖七十罵同堂伯叔父母杖八十罵同胞兄姊杖一百嫡姪罵伯叔父母各加一等孫罵祖子罵父母者并絞妻妾罵夫之期傳親長同罪僧族內有此敗類族戶房長公同鳴 上頒法究擬毋縱

一、肅閨門

男正位外女正位內齊家之要道也是以男女不授受叔嫂不通問夜行以燭火晝行則擁蔽雖皆古禮未可盡責民間如鋤耕採桑提甕出汲之類古人亦有行之者但內外規矩無論富貴貧賤皆當遵守今與族眾約凡遇尊長至家只可請坐廳堂期親叔伯不得擅入私室若異籍客民或賣雜貨或討賑務不可令婦人出頭交易三姑六婆不可延入內室狡童俊僕及顧工人年十五以上者毋令擅聚閨房百工技藝外客不許延留久寓內外無分至於延僧道設齋醮雖習俗難改而內外必須嚴肅查律載居喪之家修設齋醮男女混雜家長杖八十僧道還俗若婦女切不可朝山拜佛新例室女朝山杖父少婦朝山杖夫老婦朝山杖子寡婦朝山杖族長功令何等森嚴凡此不特防姦淫杜竊盜抑且息誣議而遠嫌疑也已上數條族戶房長時勤教誡有不遵者罰以閨門不肅縱妻敗俗之罪成有不幸寡居則丹心鎌石白首冰霜公同呈請族表以一族之光如或醜声昭露房長糾集戶長族長嚴爲處分無貽宗族羞至若長舌之婦凶悍妬忌爲家之索者罪坐其夫本婦委實冥頑化誨不改夫亦無如之何者祠中拋本夫告詞前訪的確當祖宗前合眾給以除名帖責以大義而出之昔司馬溫公曰婦驕縱悍戾訓勵禁約而不聽從則不可不棄今之士大夫有出妻者众必非之以無行何錯悞也孔門三出妻豈肯作此非礼之榜樣乎夫婦以義合絕則去之奚虧於行家道之興廢盡在其妻一或悍戾上慢舅姑下弱嗣媳家道由此而喪則出妻乃常行非異事也居官者若有此訟必不可以俗人之見竟罪其夫也若婦不犯七出丈夫無故棄妻本生父母集族戶房長勸

誠令其好合不聽以忤逆送究懲以不孝之罪

一、重婚姻

夫婦爲人倫之首婚姻寔王化之原古禮女子二十而嫁男子三十而娶族內倘有女過二十未嫁者罰其父母男過三十未娶者或因家貧或因孤苦族戶房長宜多方勸娶或代爲資助務使族內無怨女曠夫有年過四十髮妻無子當速勸娶妾或銀錢無備卽典賣田地亦不爲過至同姓不通婚姻律載同姓爲婚主婚與男女各杖六十斷令離異財禮人官但他姓多犯此律惟我族無此惡習若與外戚爲婚查律所載凡外姻有服之親或尊屬或卑幼不得共爲婚姻若親屬尊卑無犯及不在五服之內並未載入律例者雖親上加親不得以瓜葛疑議致阻婚姻夫男女居室人之大倫一經聘訂終身不改未聘之先須查問明白然後度庚行聘若旣聘而改悔者大干律法族戶房長勸諭主婚人令其完娶如違公稟究治且婚姻不可論財雖貧薄之家亦可從俗嫁娶彼此貪求財物是以子女爲貨殖不惟可恥且傷天性更有捨親一事查律載強奪民家婦女爲妻妾者絞配與子孫弟姪者罪同婦女給還族中有蹈此惡俗族戶房長卽行首報若受賄徇庇通族公稟一體治罪

一、嚴撫繼

丸立繼必須倫序相應弟不可繼兄孫不得承祖長子獨子不許出繼又必先儘同父周親次及功總五族

如俱無方可擇立遠房同姓爲嗣不許女婿外甥及撫外姓之子並隨母之子改姓承祀律載乞養異姓義子以亂宗族者杖六十以子與異性爲嗣者罪亦如之其子歸宗雖是同族而尊卑失序者罪同其子歸宗改立應繼之人若長子獨子過繼別房則本房之宗祀闕矣違者逐出改正外罰銀充公凡既經擇撫者財產俱係撫嗣世守房族內外不許妄議絕產意圖爭分若有貪謀強奪者族戶房長具稟頒究庶撫嗣得守所後之財產以承宗祀但身爲人後者呼撫我之親爲父母呼本生父母珍伯叔称呼既不可苟妄呼者罰居喪爲撫我之親服斬衰三年爲本生父母服齊衰一年服制又不可亂亂服者罰撫子叛義歸宗者律載一百仍發撫親收管總之過撫即同親生或撫親遺有子女當視之如同胞撫親父母公婆當事之以三禮世世子孫永爲此房之裔春秋則薦此房之祖清明則掃此房之墓倘傳世久遠遺棄撫房宗祀復認本房宗枝者族長卽秉公懲法仍令歸承撫祀或撫親先無子而後生子皆財產興撫子均分不可存厚薄之見不可藉以有子遂逐撫嗣倘撫子不孝撫親意欲別立必有不孝寔跡經族查訪明確方令歸支既歸之後其義已絕日後不得藉以原撫爲詞復爭財產至於女婿固不許篡宗第查例載義男女婿爲所後之親喜悅者其相依依不許用計通逐仍酌分給財產等語但財或可分給無抚喜悅之意若改姓承祀則爲篡宗當照律嚴禁可也又查律載招養老女婿仍立同宗應繼一人以承祭祀家產均分而未立繼身死從族長依例議立毋得羣起爭繼釀成訟端違者公罰若立繼之禮載在祠規條內須當照禮遵行

一、謹喪祭

凡人子於父母之喪若衣衾棺槨必當竭力營辦此慎終大事斷不可缺餘則稱家有無不可隨俗奢靡無財不可爲悅初喪則訃聞通族來弔聽其自便往弔必備博儀古人向有麥丹助葬脫車賭贈者劍在同族尤宜哀憐不可相沿陋規酒食闕遺卽滋物議居喪作佛事司馬涑水罪其不孝載入文公家禮小註奈習俗聞見皆以薦拔爲孝間有守禮者亦羣聚而嘆曰生子何益不能受爾一卷經耶以不狂爲狂斷難家喻戶曉第超薦之說先賢闢之詳矣我族眾當爲守禮之士居喪敦行家禮不作佛事則爲先儒功臣卽爲吾家肖子若居喪嫁娶律有嚴條卽或男家寔無人主司中饋或女子無親父母依傍又或年過及笄或聘禮旣成喜期將近不得已必欲嫁娶須於病勢未危時卽遣媒妁通言迎娶之事及親在堂使得見婚成禮亦足慰親之心倘親遂至不幸或卽援親迎在塗之說迎歸成服報喪以待年則可若遂歸房而偶處則斷不可族有蹈此惡習戶族房長卽宜禁止違者公同首報究擬至於括裏之子重服在身不許入喜宴並看戏劇律載聞父母之喪匿不舉哀者杖六十徒一年若匿期親之喪者杖六十喪制未終釋服從吉者笞五十又服輕重家禮載之甚詳律例定之甚悉近見親支嫡派以有服如同陌路纓帽綢袍習以爲常期功緦麻置而不問紊亂禮教乖張律法莫此爲甚族內有犯此數條者尊長卽面諭戒飭不聽俟祠祭日公同稟族長罰懲查律載有喪之家必須依禮安葬若惑於風水及託故停柩在家經年暴露不葬者杖八十族內

倘有停柩者族長卽諭令速葬違者罰究若祭祀之禮庶民豈能盡遵但大小祥期亦當竭力為之不可缺畧除服以二十七個月為限或貴貧難荐祭亦不過三年倘有過期不除服者俱以違制論任族戶房長公罰凡遇祖考生忌兩辰當遷主祭於家清明祭於墓世俗又祭七月中元節此皆禮之不可廢者至於祠祭儀載祠規條中各遵行焉可也

一、護墳塋

墳塋先人體魄宅焉子孫命脈係焉無故不可扞改若非因水蟻不安惑於尅應俗術擅行遷改者以發塚律頒究葬塚必在己地存沒始安若冒佔他人山田強葬盜葬必致成非構訟族內倘有冒佔者房戶族長卽行禁止違者公同稟究一墳墓係祖父宅兆寧自受饑而死斷不可鬻之於人除公墓合族保守外其他或勢寔處窮而欲賣者房戶族長照地廣狹以價買之仍存其塚斷不許鬻之異姓如擅賣祖墳基地於異姓葬墳者卽時勒令遷改贖回如不遵公稟究治一祔葬古今皆然但須倫次不失上不可跨頂下不可塞道左右不可傷塚則祖墳安而祔葬亦安嗣後欲附葬者必請眾臨穴監視庶免欺祖侵葬之害倘有私行傷塚上跨下塞者任墳內子孫當時勒遷再有穴脈緊小難容祔葬者斷不可葬違者登時起出及墳墓最重蓄培族內子孫或越畝別分墳山樹木者或在墳前後鏟草挖土者除賠樹價外重罰銀醮謝又祖墓百世具在山林豈能常守不惟基業易主有張墓而在李山者卽係同族昔固一脈今則分枝山地各管或有

彼房之墓而在此房之山者雖譜清載葬所然亦墓是而山非爲子孫者止可祭掃墳墓苟若藉塚而佔山或稱傍祖而侵葬定然興戎召禍反致祖靈不安此等刁強亟宜嚴禁違者頒究但現管山地之家亦當遵四鄰看守之義勿伐近墳樹木勿挖草取土勿藉管業侵葬傷塚違者照前越砍鏟挖盜葬條公罰再毀掘坟茔情罪極大近見慙不畏死之徒或開墾田地或修培塚基或採取兜不或鏟挖草皮以至毀傷人塚甚至兩爭墳山不待稟究啟遷卽行掘出拋露非特違律抑且喪德族內有此強橫族戶房長聞風奔阻倘損僅在羅圍着令修培醮謝若掘墓見棺及舉棺拋露者族戶房長並保鄰人等公同頒究如族戶房長狗庇任受害之家執家約鳴上一體坐罪再清明祭墓勿亟匕圖歸須巡視墓所界石樹木有人侵伐否地上有人新掘坑及泥埠否俱要勘明然後祭奠庶無後患

一、恤四窮

鰥寡獨謂之四窮在聖王向存惠鮮之仁況同宗一氣相屬者乎今人酒肉餽遺施於外親朋友溫厚有餘之人往來不厭其煩而族內窮民曾不念及抑何忍心若是凡我族中須於鰥獨之夫必勸其速娶否則富立後以綿宗祀若無後可立彼之產業听其典賣自瞻或有所喜者任其附與以終天年但不可附與外姓人等致起纂宗之福孤子年幼期功伯叔兄弟豆相撫忙有力則為之教讀婚配無力亦爲格外照顧或量給衣食俟其成立倘有欺孤侵觸除照額追還外仍按其所侵之多寡罰銀與孤以備婚教之用寡婦幸有

子或立繼期功之親宜多方顧視勸其守節若能柏舟矢志始終如一是一與吾族守綱常維風化族戶房長宜格外敬待譜牒之中載其芳操傳之後世倘無子可守或貧難自存亦當俟終三年之喪未終喪而出嫁罰主婚房長銀入公逼嫁者加等倍罰至若寡婦出嫁此乃大不幸事財禮惟主婚可受或翁姑贍老或代寡填債或代孤贖產外人不得吞嚼每見貪婪之輩暗索私水明索畫字或欺主婚懦弱恃強瓜分禮金凡此不義之爲族內倘有效尤者卽執家法除按賍追給主婚外仍照所侵蝕之多寡加倍罰銀入公違者稟究

一、保妻孥

夫婦者人倫之本也父子者妯娌之源也主頻承宗祀端賴乎此雖餓死自應相保乃以勢迫饑寒因而賣妻鬻子試問父母爲爾婚娶者謂何一妻子不能保耶滅絕天倫至此極矣族內倘有貧難自存將妻轉賣他人將子鬻人爲僕又或鬻與寺觀爲僧爲道房戶族長立卽禁止曲爲調處或勸本房殷寔或將祠祭所存量給衣食令其勤苦自力保全家室如或游惰不務生業卽調處亦無如何必要將妻子鬻賣已成異類族戶房長卽行頒究且迸出族外子孫永不許入譜至買休賣休均干律例族內倘有將財禮娶妻擅娶有夫之妻者族戶房長押令退還原夫財禮不究如負固不服公同鳴究削譜若族內有射利之徒公然爲有夫之妻說合此種天良已喪俟祠祭日責罰且書其惡蹟以示懲

一、正主僕

入家僕婢宜恤其飢寒節其勤苦療其病痛時其配偶毋令失所然撫之以恩貴御之以禮故坐不廳堂行必跟後飲食不同席賓客不接揖取名不列正派所以明主僕之分也近見富家喜僕便捷有才幹恃爲心腹過於信用於是盜竊家財者有之或背地苛索者有之甚至挾勢橫行凌辱親族養成驕悍之性他日強奴叛主無所不至族內所蓄之僕效此行爲族長卽聲言家主令其約束以存世族體統且使用婢女有年及三十四十未配合者此皆主人喜用無夫之女便於出入房幃恐一經配合卽分事主之勤以修愛夫之好獨不思情欲之感良踐皆同何忍禁錮以怨女畢乃生耶族中有婢女年過二十族長卽諭令家主或配合或遣嫁婚配以時毋使子處一生永絕夫婦之好若家主切不可收婢女妾彼出身微賤既一家使喚一旦來專房之宠家中長幼不正名分不得欲正名分則終以婢女生嫌且生子亦多爲人輕忽族內有蹈此者族長卽行諭止勿貽他人非笑至於同姓子孫不許收買爲僕違者族戶房長卽行帶歸追恩約燬銷身價不究又不許出售外姓爲僕並不許撫與外姓爲子違者族戶房長卽押歸宗

一、戒輕生

愚民陷於無知往匕口角起訶或懸梁割頸或服毒投水捐軀不顧尤賴人家殊不知此種惡習久奉嚴禁倘藉人命以尤賴則是抱一時之小忿貽百世之罵名雖有孝慈不能改矣嗣後族內有輕生尤賴者無論

有理無理一概不究未死者自備醫藥已死者自備棺槨埋葬父兄輕生罰其子弟銀入公子弟輕生罰其父兄銀入公妻母輕生罰其夫子銀入公並罰房長銀俱充公用倘敢捏詞控上族戶房長秉公質証又或乘機藉釁抄搶財物破壞門壁什物等項者族戶房長卽行協眾頒究如有狗隱任受害之家執此宗約出控狗隱者一體坐罪

一、勸讀書

語云有田不耕倉廩虛有書不教子孫愚又云人不讀詩書馬牛而襟裾則知書不可不讀也是故衣食足而胸無點墨者任他能說不能行難逃識者鄙薄任是世族大家若無人讀書接腳便成村野卽一戶之內各有房頭一房無人讀書滿室盡成瞎漢三寸筆管無人拈弄片紙隻字皆要求人一生如坐露中不知被人幾多愚弄且不讀書則出入鄙陋人既鄙陋則上無君子之交下無治生之智其安於農樵負擔者猶爲善也甚至人既粗蠢心腹雄高狎比下賤冥行蹈險必敗家聲所以教子讀書豈必俱望成名但能開心明目知書達禮利於行動便遠馬牛之譏故無論貧富皆當訓子讀書他事後來可做惟讀書幼年失教悞及終身凡我族中爲父兄者卽或家貧亦必勉強發憤課讀果有聰俊子弟孤貧難讀族戶房長或諭令期功之親代爲作養或將祭產所存量給膏火或族內塾師亦互相栽培以增一族之光若其子可教其家可讀而吝惜失教者族長卽押令父兄速送絆業至族內有刁猾之徒因讀書識字包攬詞訟武斷鄉曲族戶房

長卽行告誡責罰如怙惡不悛祠祭日不與序齒以辱之且書其惡蹟以示戒再族延師教子總要隆重不可輕褻斯文若有菲飲食措束脩失禮貌者族長一並罰究庶不失詩禮家風

一、儆游惰

士農工商各務一業皆可以定心志可以養身家可以演習世務諳練人情長進學識若任其游惰不務常業必流入花酒賭博鬪狠之中俱般歹事俱做出來凡縱容子弟游惰慣了是送上了貧窮道路雖遺金十萬其何益乎昔洪武年間有令凡遊手賭博之徒不務常業者捕而禁錮一所名曰逍遙牢此豈苛政哉良以游民不除則奸民不去我族內爲父兄者教子弟須各務一業爲子弟者亦各遵父兄之教勤其識業倘族內有游惰之徒房戶族長宜多方飭令父兄嚴行誥誡如誥誡不遵送入宗祠懲責切不可恃其富豪縱其游惰陷子弟於不肖至游惰無依入於匪僻玷辱家聲族戶房長公同頒究迸出族外不許入譜以爲後鑒

一、懲橫暴

守分循理稱曰善良强悍桀傲強爲橫暴大抵橫暴之人賦性褊躁居心奸險其類非一有一種橫暴的不恤人言不顧名節一味任性逞強欺良善凌孤弱到得有幾杯酒落肚便自只有己大肆口橫言比掌搖拳目無尊長而且取非分之財做不法之事種種暴虐不堪髮指有一種橫暴的嗜酒逞凶遇事生風日日打

街罵巷稱王稱霸強取強求走白打碼無所不爲人畏之如蛇蝎查律載凶惡光棍好鬪之徒生事行凶無故擾害良人者發往寧古塔烏喇地方分別當差為奴族內倘有橫暴棍徒族戶房長卽行誥誠懲責令其自新如不悛公同鳴上究治斷不可因循畏避養成凶惡遺累宗族

一、禁非爲

大凡爲人在世無論貧富各宜安分守己樂享清福切不可亂作非爲自罹法網如律載欺隱田糧者答四十其田入官所隱稅糧依數徵納減贖糧額及詭寄田糧者罪亦如之又凡盜賣換易冒認若虛錢實契典買及侵佔他人田宅者每田五畝屋三間杖八十徒二年凡典買田宅不稅契者答五十仍追契內田宅價錢一半入官不過割者一畝至五畝答四十其田入官若將己典賣與人田宅朦朧重復典賣者以所得價錢計贓准竊盜論買主與牙保知情者與犯人同罪又律載投匿名帖俗名西江月攻人醜惡者坐絞見者立即燒燬送入官者杖八十如官司受理者杖一百又賭博杖十枷兩月流三千里窩賭者罪同至如惡棍設法索許官民或張貼揭貼或控告各衙門或勒寫借約嚇詐取財或因鬪毆糾眾繫頸謊言欠債逼寫文卷或因詐財不遂竟行毆斃此等情罪重大實在光棍事發者不分曾否得財為首者斬立決為從者俱絞監候其犯人家主父兄各答五十已上非為之事族子孫各知儆惕如有欺隱詭寄典賣賭博窩賭情弊族戶房長查出規諫令其改悟如違鳴究至捏匿名貼與設法索詐情罪重大族內有此棍徒查出立即頒法

究處毋得徇縱干咎

一、除搶奪

出人不意而授之曰用力互爭而得之曰奪搶奪之罪介乎強竊之間故強牽人牛馬豬羊強搬人食穀什物強割人田禾強砍人墳山及屋畔樹木大千法紀查律載白晝搶奪人財物者杖一百徒三年計贓重者加竊盜罪二等傷人者斬爲從者減一等並於左面上刺搶奪二字律法如此森嚴愚民無知或索取債務等項或藉人命爲由或因斷理不服或因陋規闕少卽行強搶奪無禮無法莫此爲甚族內有不法之徒犯此惡習族戶房長卽執家法重處除按贓追還外仍照搶奪多寡罰銀入公違者公同稟究

一 弭盜竊

族大人繁貧富不一富者貴好施好禮貧者貴自重自愛縱或貧難自存出門傭工亦可度日下至扛轎亦可營生卽不然乞丐也是正經大路切不可流入竊盜查強盜律全重在強上凡先定成謀執有器械帶有火光公然直至事主之家攻打門牆者是謂強盜律載強盜已行而未得財者皆杖一百流三千里但得財者不分首從皆斬若以藥迷人圖財者罪同因盜而姦者罪亦如之至於乘人所不知而暗取之曰竊律載竊盜已行而不得財笞五十但得財並贓論罪爲從各減一等初犯并於右小臂上刺竊盜二字再犯刺左小臂膊三犯者絞掏摸者罪同故凡盜民間牛馬騾驢豬羊鷄犬鵝鴨及田野穀麥菜菓并無人看守器物

計贓准以竊盜論若山野柴草木石等他人已用工秋使積聚而取者罪赤如之按律文些小之物亦以計藤論罪蓋以竊盜即強盜之漸也族內倘有不肖子孫犯強盜者查有贓據不待發覺即行首報誅治本犯子孫永不許入族譜若犯竊盜族長卽着令戶長房長按贓追出給還原主仍按其贓之多寡罰銀入公拘赴宗祠家法重懲以儆其後取伊戶房長領結令其改過自新倘怙惡不悛戶長房長協同族長卽行首報頒法究贓刺字本犯永不許入族譜倘有縱容任通族內外人等出首頒究其在盜犯不得撒潑尤賴而出首必須贓賊兩實不許妄首亦不許受贓私放違者重罰

一 杜姦淫

惡業有萬森羅鉄榜何故以淫爲首只因諸般惡念盡在姦淫之中此念一起則凡寡廉鮮恥敗倫傷化無不起矣查律載縱容妻妾犯姦者各杖九十如親屬相姦若無服強姦問斬和姦杖一百如係緦麻以上親屬和姦杖一百徒三年若嬖嫂相姦和姦擬絞監候強姦者斬族內倘有禽兽之徒敗倫傷化者所謂中箒之言不可道也族后房長卽按其有服無服或強或和家法從重懲責重罰銀入公免其報官辱及通族其本犯並父母與子俱不許入族譜古語云一淫殺三代故家法所治亦及三代以懲此醜惡也但捉姦必須親屬要在姦所捉獲誣指者反坐又律載尊卑爲婚以姦論若兄收弟婦弟收嫂男女和同皆擬絞監候勢豪強佔人妻女爲妻爲妾者擬絞監候至將妻妾作姊妹或拐婦女爲己親設詞局騙而嫁賣者俱發邊遠

充軍族中有此憊類族戶房長卽行頒究毋得徇縱貽羞宗黨

一、清諱字

入家子弟諱字名號關係生平之品行所以二名有律嫌名有律干名犯諱者亦法所嚴禁近因族眾人繁居址星散長幼尊卑同諱及字者往往有之不特在疏遠卽近在五服之內或派別而諱字不無相同几令人以伯叔子孫疑爲兄弟者長幼之無序名義之乖張莫此爲甚凡犯此者今已悉行改正尙後族中生子命名取字父兄須當查考或音同字不同在服外者猶可無忌若期親尊長斷不可犯仍於每年祭祖之期各出枝譜經衆面載新出生子名諱以便查對倘有偏執已見任意冒犯者除將名諱改正外罰其父入銀以充公用

一、尊祠產

祠乃祖宗神靈所依產則祭祀費用所出報本追遠莫先於此近見人家祠產或與外姓田地山場不清詰訟公庭取辦公帑耗費日甚因而典賣者有之或有不肖子孫強爭強佔甚至本非公山公地串通敗類恃強冒佔以致自相魚肉構訟不休強用公帑使若赦之鬼馁而者有之此皆前人之留遺未善而譜牒不修故也我族祠產契載分明譜登詳晰似此之類可幸無虞第建立產取之捐資虽所捐多寡不一原視囊橐之盈虛以为权世世子孫体前人敦睦之意永相保守切不可因所捐之多而生傲辟之心更不可因貧

難而起窺覬之念日後子孫有此情弊族戶房長卽行誥誡懲責如强悍不率公同鳴究若夫棟宇有壞則葺之垣墉有損則整之以及祭器祭租出納用費議值年者輪流交清載在祠規條中各宜確守不許侵蝕倘有侵蝕族戶房長立行罰懲不率稟究至於配享不迂考之於禮無論貴賤貧富凡能踐修厥猶恪慎克孝及種種邁德堪爲羽儀者皆當配享廟廷如古鄉先生有道者沒則舉而祭於社之類夫有道之士鄉人猶企慕之俾令血食沉衍我烈祖乎又況子孫之綏我思成更有切於鄉人者乎禮曰尊尊親親配享致尊也不遷致親也蓋其克配於祖者必其能繩祖者也不然必其有功于祖者也不遷於後必其能啓後者也不然必其有功于後者也其他或以道德或以節義或以勲猷或以崇爵榮宗或以清標振俗或以博洽著聞或以象賢紹武皆當配享宗祠以不遷爲尊我族祠中除已經僉議配享外其後子孫議崇配享要在詢謀服眾毋得徇私減公輕舉冒濫以致污曠先靈有乖典制也

一、止訟端

每嘗見今之人或因戶婚田土不清以及口角微嫌便起訟端而吾謂此訟端所起總之爲一念客氣始經曰君子以作事謀始始能忍終無禍始之時義大矣哉今與族眾約凡遇家族兄弟叔姪等有難處之事有難處之人當鳴族長並各戶房長會集平情秉公處分不致成訟倘本族於外姓有爭除事情重大付之公斷若止戶婚田土言氣小忿則族長便詢所訟之家與本族某人爲親某人爲友就令其代講息屈在本族

押之賠禮在外姓赤須委曲調停稟官認罪雖是稍屈但留此間錢安家置業趁此好光陰讀書力田不爲客氣所分亦是自家討便宜處卽不敢謂人望彥方之廬或可平鄉人之怒而省官長之案牘也况讓自美德忍徵大受孟子三自反終以不校于橫逆有何難處者乃竟以小忿不忍率成大事甚至有生平刎頸累世通家一忤睚眦卽成讐讐或瞋目攘臂或稱干比戈或抉發曖昧揭布通衢或鼓扇朋儔併力攻擊雖足逞其雄心亦大虧雅道矣倘族中於內外爭訟憑族戶房長平情秉公處分若負氣逞能曉乚不服必欲搆訟不已而此中曲直族眾深悉其情事公同直稟以正其罪至於族中有頑梗之徒恃健訟爲能事藉刀筆作生涯貽害宗族流毒地方族戶房長頒法究治蓋除稂莠正以植嘉禾毋得徇隱畏避養成奸惡殃及無辜

一、聽約束

吾族派衍支繁分門別戶非有統攝何以聯屬今通族共立一族長各處各立一戶長各房各立一房長族長統攝戶長戶長統攝房長庶星羅碁布者皆有所聯屬矣倘房長不戶長之教戶長不聽族長之教任族戶長頒法究治但爲族長宜秉公持正不可徇私偏袒凡定大事決大疑皆在族長一人夫此一人苟非德邵年高者不能勝任要有鐵面不碍情勢要有冰心不受財賄要有苦舌判斷無降要有硬耳諛言不入方可作通族之長執家法以服眾凡立族長必經通族公議毋許聞充冒頂戶長管攝各房理煩治劇在戶長

苟非端方兼有才幹之人不能勝任房長統一房子孫固宜各爲房綱勿貽通族恥笑正己率物遵守家教不可恃強倚勢以欺凌凡本房子孫令其祇承家訓恪守宗約倘有犯約者卽申投族戶長究治又族戶房長之外議耆老數人以年高者爲之又議司教一人以賢達者爲之司禮二人以知禮者爲之司書一人以善書者爲之司刑二人以有力者爲之值年二人以廉平者爲之凡族長決事先詢司教以引禮援律次詢耆老以出入輕重族長有偏徇耆老卽爲鑑正子孫不率教司教常爲訓誨宣講條約皆司教之任禮儀之事悉問司禮書寫之事悉問司書先有拘喚責罰皆係司刑之事若有縱放旣減反坐司刑凡有錢穀出入及所罰銀入公皆係值年掌管若有挪移侵蝕押令賠補外罰銀充公又於宗祠置彰善簿一冊記過簿一冊瘴惡簿一冊其旌別條議載在祠規條中須照議遵行至所犯宗約除情罪重大稟究外其餘在祠執法或罰以朴跪或罰以銀兩朴則二十至四十銀則三錢至一兩族戶房長秉公理處自應遵法認罪毋得負固不服如負固不服公同稟究迸出族外不許入譜若戶族房長并宗祠執事之人除值年者每年輪管外餘則議五年三年報換如果公平正直堪勝其任公同顛留不必拘以年限另行酌報以上宗約原以約束族人願我族各宜父詔兄勉敬承而守之毋得犯約倘有犯者則言出法隨斷不爲若輩寬也勉之慎之

戒賭約言

悠悠塵世喪心惟此牌場擾乚寰區害人無非賭具公卿士宦削籍敗名商賈農工荒時廢業始則逢場作

戲入迷途以莫知繼且拍案驚奇落牢籠而莫恤露滴三更情猶雞啼五鼓夢不成雲錢花錢豈是青錢之選一貫二貫能傾萬貫之財頃刻冰消霎時瓦解囊橐空而家產盡子孫衣食無資饑寒迫而盜心生祖父聲名頓壞卽謂身閒家富聊假以當樗蒲之嬉或因客至賓來偶假以代橘中之樂戲而已矣賭云乎哉然家齊由於身修而上行因以下效每見藉牌行樂開族黨驕奢之風遊手好閒啟子孫淫佚之漸不然愛賭之流輩豈其性生要好弄之兒曹皆由習染苟思承先而裕後當知杜漸以防微我里素稱淳鄉至今漸多賭輩一夫作俑旣令蟻附羶來眾人效尤能使蚨飛空去用是率我子姪邀諸親朋各滌厥心共訂茲約出金一兩永為每年聚會之需約法三章用作他時董戒之律從此葛藤永斬不蹈馮婦之議庶乎荆棘不生何來周興之消當汝規而我劝毋有初而鮮終調盟言可寒不妨在私地戲也則彼條議具左誰其爲若輩寬乎

謹陳條議於左

一士農工商各有職業古人分陰是惜蓋大懼錯過時光隳其本業也矧作此無益之戲乎且試思當世富豪之家由賭而敗者不知凡幾爾輩身家幾何乃復不自警惕耶今與諸子約凡在家出外以及往來親戚朋友之處卽小而四十張火燒毛下逮吃棹骨脾不許玩耍蓋謹小先於慎微防微卽以杜漸爾輩各宜凜遵毋得犯約倘有犯者查出朴二十罰銀一兩入會如不遵鳴上懲治一凡立約必須分別嚴明今打牌者

固有約矣使一律繩之彼賭錢者或謂所朴不過二十所罰不過一兩倘去賭錢而大勝一場是受罰小而獲利大何憚而不爲因是而犯約者有之今後諸子或四十張或六十張以及抓攤押寶擲骰跌錢之類有犯一者不論功名即鳴上懲治懲治後罰銀五兩入會如不率曰我已後不入爾會爾其奈我何是亂條議者此人也又須鳴上請法嚴究然後交與

父兒處分爲犯約者做

一約法貴於持久今各出銀一兩加利生息每年至期輪流治酒一敘而銀又請親友中殷實者領之會中人不得假手庶乎可以久遠但爾等在父兄管束之下或五年十年猶有所畏而不爲到後來各立門戶無所拘束或謂打牌賭錢窩賭抽頭亦可走走白營生因是而犯約者正未可知凡此之類有犯一者按前二條加責如或強項不率再鳴上重究始攷之曰此子上不能遵父兄之教不孝中不能

守朋友之盟不信下不能爲子孫之法不慈與禽獸何異焉屏之不許入會又何有於會中之銀哉